



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 1. An, & quid Titius restituere debeat Cajo pro ipso homicidio, seu vita
ablata?

urn:nbn:de:hbz:466:1-41144

QUÆR. VI. An ille, qui novit Auctorem occulti homicidii innocentis falso imputati, possit, aut tenetur illud manifestare ad liberandum innocentem?

AD 1. Q. triplicem inventio sententiam. Prima aliquorum apud Vasq. de rest. c. 2. §. 3. dub. 6. affirmat, occisorem ita restituere debere, ut vitam pro vita ablatam exponat, dimicando v. g. in justo bello, vel se justæ poenæ obiciendo, & siquidem poenam talionis pati cogatur, ad nihil aliud eum teneri, nisi ad eam poenam patienter subeundam. Verum hæc sententia ab omnibus aliis relictur teste Lug. D. 11. s. 1. & merito, quia talis restitutio parum vel nihil proficit defunctō, nec quidquam ex eo lucratur, quod occisor hoc modo vitam suam amittat.

Secunda sententia satis probabilius censet, damnum corporis seu vita & membrorum pecuniā vel in aliquo alio, v. g. bonis spiritualibus compensandum esse. Ita Molina tr. 3. D. 84. Azor l. 5. c. 3. q. 4. Scotus in 4. d. 15. q. 3. Sotus, Sylv. Cajet. Armilla, Aragon. Lopez, Cordub. aliisque apud Sanch. n. 6. Rationem dant. 1. Quia absurdum, atque indignum est, eum, qui bonum, vel asinum alienum occidit, teneri ad restitucionem pro bove, vel asino occiso, & non teneri pro homine injustè occiso, cum damnum corporis sit vere damnum injustè illatum, id quemajus, quam quocumque a-

llud damnum bonorum externorum, quod in foro conscientiæ jure naturali resarciri debet. Confirm. quia absurdum pariter est, dari obligationem pro minori injurya, & non dari pro majore, qualis est occisio hominis injusta.

2. Quia licet bona corporis ex genere suo pretiosiora sint, quam bona externa, & honoris & famæ, nihilominus tantum addi potest de bonis inferioris Ordinis, ut prudentis arbitrio ad æqualitatem compensetur damnum in bonis superioris ordinis injustè illatum.

3. Qui per injuriam amisit equum ab alio occisum debet ex Justitia recuperare premium equi, & tamen non ideo habet suum equum: ergo qui injustè amisit membrum, poterit ex Justitia petere pecuniam, licet non ideo habeat suum membrum.

Tertia sententia, eaque probabilior, negat obligationem quidquam in conscientia restituendi pro vita, membro, aut cicatrice hominis liberi, (nam pro occidente hominis servi absque dubio restituendum est domino, quantum seruus occisus valebat) quam sententiam tuentur. Lugo l. c. Less. l. 2. c. 9. dubit. 23. Vasq. in moral. l. c. Novar. c. 15. n. 22. Petr. Navar. l. 4. c. 1. n. 80. Layin. l. 3. tr. 3. n. 3. c. 6. Panormit. Gomez

mez Covar. Ostiens. Ledesm. Haun. Ills. aliique RR. communiter. Prob. ex leg. ultim. ff. de his, qui effuderunt &c. ubi post enumerata damna resarcenda subdatur: Cicatricum autem, aut deformitatis nulla sit aestimatio, quia liberum corpus nullam recipit aestimationem. Quibus clarè indicatur, nihil pro his deberi, eò, quod natura sua sint supra omne pretium, adeoque bona non venalia, sed incomparabilia & immutabilia, respectu quorum nequit restitutio locum habere.

2. P. Si pro vita, vel membro ablato præstanda est satisfactio, tunc non cessaret ea obligatio, etiamsi occisor ad poenam capitalem damnaretur, sicut non cessat in fure ob furtu ad mortem condemnato, qui proin, si potest, debet restituere iis, quos furtò lassit. Sed hoc est contra omnes, teste Lug. etiam contra AA. contrariæ sententiaz, & contra usum omnium hominum, & ut ait Less. contra proxim omnia tribunalium: Accedit, quod si occisor compensare teneretur damnum vitæ, tenebrentur etiam ejus hæredes, utpote qui succedunt in ejus obligationes, & debita Justitiaz, sicut in alia jura; hoc autem est contra scotum, alias que DD. sententiaz oppositæ; ergo.

3. P. quia non potest statui, nec determinari, quantum pro vita restituui debeat, quia cum haec aestimabilior sit quibuscumque thesauris, nunquam tantum pro illa restitu-

tui potest, ut non plus esset restituendum, aut exigi possit, si enim Vir prudens dixerit mille deberi pro vita, cur non duo millia, vel tria &c. præsertim si homicida opibus abundet? atque adeo nunquam poterit ab arbitris tantum taxari, quin dici possit amplius deberi. Nec refert, quod læsus pluris forte faceret centum, aut mille aureos, quam membrum amissum; nam Justitia non intendit æqualitatem pro damno secundum æstimationem læsi, sed ut id habeat, quod est ablatum, vel in se, vel in æquivalenti, hoc est, in pretio, quod id comparari possit aut commutari: ergo si non est comparabile, nec æstimabile, nec quoad totum nec quidem quoad partem, neque in se nec in æquivalenti restitui potest, neque haberri æqualitas perfecta à Justitia commutativa intenta, seu quoad totum, nec imperfecta quoad partem.

4. P. Quia nemio obligatur damnum resarcire ex bonis diversi ordinis, sed ejusdem duntaxat, quia hæc sola sunt inter se commensurabilia, & comparabilia: ergo quando non potest fieri commensuratio, & comparatio, non est obligatio Justitiaz commutativæ. ant. patet inde, quia, qui alias læsisset in vita, deberet restituere in bonis spiritualibus, si pecunia non posset, vel qui injustè læsit in bonis spiritualibus, impediendo alium v. g. ab ingressu Religionis vel à statu perfectionis vitæ, pecunia id dum

A 2 dum

num compensare deberet, quando aliter restituere non posset; hoc autem nemo admittit, teste Lug. estque contra sensum omnium hominum, neque moribus gentium est receptum, nec ullo modo necessarium, ut passim tradunt DD. apud Less. l. c. Notat tamen hic Ills. subinde in solatium læsi, vel in vindictam criminis à Judice imponi lædenti obligationem alicujus multæ pecuniariæ per modum poenæ à lege jam statuta, vel à Judice statuenda, quæ tamen ante sententiam Judicis indebita est. Similiter licet bonum spirituale non possit esse pretium rei temporalis, utpote diversi ordinis, adeoque non beatum damnum ex Justitia resarciri, in foro tamen interno valde conveniens, ac consultum est, ut Confessarius pro satisfactione sacramentali imponat homicidæ preces Eleemosynas & sacrificia animæ occisi applicanda, ut notat Laym. Less. Mol. & alii. Unde.

Ad argumentum in contrarium ab adversariis allata R.

Ad 1. respondet Epar. absurdum id esse non intelligenti rerum naturas; paritas enim utut Aſino impoſita, non bene currit. Nam Aſinus, & bos sunt bona fortunæ, ſuntque æstimabilia, & novo prelio comparabilia, non item vita hominis, ut patet ex dictis. Nec refert, quod damnum injustè datum sit majus, quando illud irreparabile & inæstimabile eſt, aut major sit injuria, quando jus per in-

juriam majorem læsum reparabile; non eſt, aliás qui injustè eſt cauſa damnationis alterius, teneretur pecunias restituere hæredibus ad compensandam eam injuriam, cùm injuria ſit longè gravior, quam ſit, si fuiffet læsus in pecuniis, vel fama, hoc autem eſt contra omnium sensum, ipsamque rationem. Unde patet etiam responsio ad Confirmationem. Scilicet id concedi, ſi jus per majorem injuriam læsum ſit reparabile, ſecus, negari.

Ad 2. R. n. a. ratio negandi patet ex dictis, nam vita & membra hominis liberi ſunt incompensabilia, adeoque per ejusmodi restitucionem nequit obtineri ulla perfecta & arithmeticæ æqualitas cum ulla parte debiti, quod ſaltem exigit Justitia commutativa, ſi totum obtineri nequit. ant. prob. inde, quia non potest dari aliquid pro iis ſufficiens, ut injuriam paſſus habeat aliquo modo id, quod debebat habere, nam bonum, quod redditur nec in ſe, nec in æquivalente quoad ullam partem eſt illud bonum, quod amissum eſt, ut enim eſſet in æquivalente quoad aliquam partem, deberet per rem restitutam iterum comparari poſſe res ablata, aut ſaltem aliqua ejus pars, atqui nec oculus, nec aliqua ejus pars comparari poſteſt per ullas pecunias, aut per ullas res etiam spirituales, quamvis digniores, aliás, qui pro dīgito ablato converteret ad fidem hominem infidelem, cuius digitum abſcidit, compensasset ſu-

superabundanter & secundum leges Justitiae commutativa. Demum si ea obligatio esset de jure naturae, deberet ex natura rei, præscindendo ab arbitrio prudentum, aliquid determinatè esse debitum, ut notat Valq. n. 20. adeoque Iesus nolens recurrere ad arbitrium prudentum, posset id totum petere, quod in conscientia sibi debetur.

Ad 3. R. dist. ant. & tamen non habet suum equum formaliter, concedo, non habet æquivalenter, nego à &c. nam talis potest illo pretio comparare alium equum similem, non autem potest comparare aliud membrum; pecunia enim licet sit æquivalenter omnia alia bona fortunæ, non tamen est æquivalenter membra, & vita, & idcirco accepta pecunia, nullo modo adhuc habet suum membrum.

Dices, etiam si non possit obtiniri tota æqualitas, Justitia tamen vult poni tantum, quantum poni potest. Ergo.

R. Dist. a. si per id, quod ponetur, attingatur æqualitas saltem secundum partem c. si non ita saltem attingatur, n. nullum autem bonum diversi generis est pars aliqua boni alterius generis, aut æqualitatis, quam respicit formaliter Justitia commutativa, & idcirco non obligat hæc ad quidquam ponendum ex bono alterius generis.

2. Ad secundum R. cum communi DD. Titium ex Justitia resarcire debere omnia dñna realia, & com-

penabilitia ex homicidio provenientia, damnum scilicet emergens, & lucrum cessans: Vnde tenetur solvere necessarias expensas, factas in curatione occisi ante mortem, v. g. ratione Chirurgorum, medicamentorum &c. utpote quorum ipse efficax causa fuit, deductis tamen iis, quæ ipius Iesus si vulneratus, aut occisus non fuisset, insumpturus erat in suo victu Ordinario. Tenetur insuper restituere non quidem quantum ipse occisus lucraturus erat, sed quantum spes illa lucri valebat, si quæstum officio aliquo, vel artificio faciebat, detractis rursus iis, quæ ipse alias expendere debuisset, utpote quæ teste Less. l. c. non possunt in lucris censi ad hæredes pervenientibus, v. g. spes lucri æstimatur mille fl. id, quod consumpturus erat, æstimatur 500. fl. supersunt tantum 500. restituendi, quod benè notandum est, ut monet cit. Author. Præterea considerandum est, quanto tempore occisus vivere moraliter potuisset, quantoque tempore hæredes ex parte sua emolumentum illud à defuncto capere potuissent; indeque computationem faciendam esse.

Sumptus tamen funebres, seu expensas pro funere occisi factas juxta personæ qualitatem & conditionem non tenetur homicida compensare, ut ex communi tenent Molina tr. 3. D. 83. Lugo D. 11. f. 2. Less. l. c. dub. 24. Laym. l. 3. tr. 3. p. 3. c. 6. Azor. Sanch.

A 3 &